

五
百
家
註
柳
先
生
集

五言古詩卷元生集

欽定四庫全書

五百家註柳先生集卷十八

騷

乞巧文

集註荆楚歲時記七夕婦人以綵縷穿七孔針
陳凡進酒脯瓜果於庭中以乞巧或曰見天漢
中奕奕白氣有光五色以為徵應見者得福此
乞巧之所自也然公為此文假是以見其拙於
謙己耳晁无咎取之於變騷而系以辭曰周鼎
錫俸而使銜其指先王以見大巧之不可為也
故子貢教抱甕者為桔槔用力少而見巧多而
抱甕者羞之夫鵠不巢拙莫比焉而屈原乃曰

雄鳩之鳴逝兮吾獨惡其能巧原誠傷世澆偽故詆拙以為巧意皆之不然者今皆然矣甚之

者宗元之作雖亦間時奔驚要歸諸厚然宗元婉拙矣

柳子夜歸自外夜有設祠者餐餌馨香

舊註餐厚粥也諸延切餌仍吏

切疏果交羅插竹垂綏

而追切

剖瓜犬牙且拜且祈怪而

問焉女隸進曰今茲秋孟七夕天女之孫將嬪於河鼓

孫曰漢天文志云織女天孫女嬪婦也韓曰吳均齊諧記云七月七日織女當渡河暫詣牽牛爾雅云河鼓謂之

牽牛邀而祠者幸而與之巧驅去蹇拙手目開利組紕縫

製

童曰組補縫也組機縷也上總古切下女鵠切

將無滯於心焉為是禱也柳

子曰苟然歟吾亦有所大拙倘可因是以求去之乃纓

弁束紕

張曰弁冠也
社衣衿也

促武縮氣旁趨曲折偃僂將事

偃委

羽切僂
隴主切

再拜稽首稱臣而進曰下土之臣竊聞天孫專

巧於天轆轤璇璣

孫曰轆轤猶交加也書在璇璣玉衡
璣正天文器璇美玉○轆轤音交各

經緯星辰能成文章黼黻帝躬以臨下民欽聖靈仰光

耀之日久矣今聞天孫不樂其獨得貞卜於玄龜將蹈

石梁歟天津

孫曰天津九星橫
河中主四瀆津梁

儼於神天

童曰儼
伉儼也

於漢

之濱兩旗開張中星耀芒

孫曰晉天文志左旗九星在
天河鼓左旁右旗亦如之而

河鼓居其中

靈氣翕歛

呼勿切

茲辰之良幸而弭節

孫曰弭徐行也

薄

遊民間臨臣之庭曲聽臣言臣有大拙智所不化醫所

不攻威不能遷寬不能容乾坤之量包含海岳臣身甚

微無所投足蟻適于垤蝸休於殼龜鼃螺蚌

上贏下蚌

皆有

所伏臣物之靈進退惟辱仿佯為狂局束為諂吁吁為

詐坦坦為忝他人有身動必得宜周旋獲笑顛倒逢喜

已所尊昵人或怒之變情徇勢射利抵巇

童曰巇山險貌音義

中

心甚憎為彼所寄忍仇佯喜悅譽遷隨胡執臣心常使

不移反人是已曾不懼疑貶名絕命不負所知并嘲似

傲貴者啟齒臣旁震驚彼且不恥叩稽匍匐言語譎詭

令臣縮慙

女六切下同

彼則大喜臣若效之瞋怒業已彼誠

大巧臣拙無比王侯之門狂吠狴犴

陞岸二音上又邊米切

臣到

百步咳嗽顛汙睚眦逆走魄遁神叛欣欣巧夫徐入縱

誕毛羣掉尾百怒一散世塗昏險擬步如漆左低右昂

鬪冒衝突鬼神恐悸聖智危慄泯焉直透所至如一是

獨何工縱橫不恤非天所假彼智焉出獨嗇於臣恒使

玷黜杳杳騫騫恣口所言迎知喜惡默測憎憐搖脣一

發徑中心原膠如鉗夾誓死無遷探心扼膽踴躍拘牽

彼雖佯退胡可得旃獨結臣舌暗抑銜冤暗音陰臂皆流

五

皆音削

一辭莫宣胡為賦授有此奇偏眩耀為文瑣碎

排偶抽黃對白吟呀飛走

舊注吟呀為聲也音奔弄

駢四儷六錦心

繡口宮沈羽振笙簧觸手觀者舞悅誇談雷吼獨溺臣

心使甘老醜詈昏莽鹵模鈍枯朽不期一時以俟悠久

旁羅萬金不鬻弊帚

補註文選家有弊帚享之千金

跪呈豪傑投棄不

有眉瞋頰蹙

重曰瞋目恨張也
瞋音賓頰音過

喙唾胸歐

喙呼惠切唾
吐卧切歐音

^嘔大赦而歸填恨低首天孫司巧而窮臣若是卒不余

昇獨何酷歟敢願聖靈悔禍矜臣獨艱付與姿媚易臣

頑顏鑿臣方心規以大圓拔去訥舌

訥與
訥同

納以工言文

詞婉軟步武輕便

平聲

齒牙饒美眉睫增妍突梯卷鬻

孫曰

楚詞卜居云將突梯滑稽以絜楹乎突梯隨俗貌莊子
鬻卷僇囊而亂天下卷鬻不申舒貌音拳攀又拳勉力

轉二切

為世所賢公侯卿士五屬十連

童曰王制五國以
為屬屬有長十國

以為連連有帥
屬字音注

彼獨何人長享終天言訖又再拜稽首

俯伏以俟至夜半不得命疲極而睡見有青裋朱裳

韓曰

裋衣袂也音袖

手持絳節而來告曰天孫告汝汝詞良苦凡汝

之言吾所極知汝擇而行嫉彼不為汝之所欲汝自可

期胡不為之而誑我為汝惟知恥諂貌淫辭寧辱不貴

自適其宜中心已定胡妄而祈堅汝之心密汝所持得

之為大失不汙卑凡吾所有不敢汝施

敢一作安

致命而昇

汝惟勿疑嗚呼天之所命不可中革泣拜欣受初悲後

懌抱拙終身以死誰惕

黃曰聖賢之學急於內而緩於外所造有淺深所見有昏明所

養有寬狹所聞有多寡是巧拙之所由分若夫言之聽不聽仕之遇不遇身名榮辱爵位高下則非巧拙之所系也故大智若愚大辨若訥如愚者聖人所與无智名者史氏所稱世俗所謂拙者安知其非真巧歟子厚既廢不重責己其論巧拙之大意特在於言語用舍仕宦進退之間又何足以知真巧拙所在耶

罵尸蟲文

并序

韓曰公此文蓋有所寓耳貞元中公以黨累貶永州司馬宰相惜其才欲深濯用之詔補袁州刺史其後諫官頗言不可用遂罷當時之讒公者衆矣假此以嫉其惡也當是請永州後作

有道士言人皆有尸蟲三處腹中伺人隱微失誤輒籍

記日庚申幸其人之昏睡出讒于帝以求饗

韓曰酉陽雜俎云人

有三尸上尸青姑伐人眼中尸白姑伐人下臟下尸血
姑伐人胃命凡庚申日言人過於帝古語云三守庚申
三尸伏七守
庚申三尸滅以是人多謫過疾癘天死柳子特不信

特字曰吾聞聰明正直者為神帝神之尤者一無其為聰

明正直宜大也安有下比陰穢小蟲縱其狙詭延其變
詐以害於物而又悅之以饗其為不宜也殊甚吾意斯
蟲若果為是則帝必將怒而戮之投於下土以殄其類
俾夫人咸得安其性命而苛慝不作然後為帝也余既
處卑不得質之于帝而嫉斯蟲之說為文而罵之

來尸蟲汝曷不自形其形

一作自刑其形

陰幽跪仄而寓乎人

跪一作詭

以賊厥靈膏肓是處兮

童曰成十年左氏晉侯求醫于秦秦伯使醫緩為之

未至公夢疾為二豎子曰彼良醫也懼傷我焉逃之其一曰居肓之上膏之下若我何醫曰疾不可為也在肓之上膏之下攻之不可達之不及說文肓心上隔下也音荒

不擇穢卑潛窺默聽兮

窺一作覷此居切又如字

導人為非冥持札牘兮搖動禍機卑陬拳

縮兮宅體險微以曲為形以邪為質以仁為凶以僭為

吉以淫詖諂誣為族類以中正和平為罪疾以通行直

遂為顛蹶以逆施反鬪為安佚諧下謾上

童曰謾欺也莫官切恒

其心術妬人之能幸人之失利昏伺睡旁睨竊出

張曰睨斜

視也五計切

走讒於帝遽入自屈幕然無聲

幕音覓

其意乃畢

求味已口胡人之恤彼脩蛭恙心

韓曰蛭腹中長蟲也音回○他本蛭作蛭

短蜣穴胃

韓曰蜣亦腹中蟲也如消去消二切

外搜疥癘

張曰疥瘡癢也癘疫氣也

下

索瘰痔

唐曰瘰瘡也痔後病瘰力闕切痔治里切

侵人肌膚為已得味世皆

禍之則惟汝類良醫刮殺聚毒攻餌旋死無餘乃行正

氣汝雖巧能未必為利帝之聰明宜好正直寧懸嘉饗

答汝讒慝叱付九闕貽虎豹食

童曰楚詞宋玉招鬼虎豹九闕啄害下人言天

門九重使神虎豹執其闕閉主
啄齧天下欲上之人而殺之

下民舞蹈荷帝之力是

則宜然何利之得速收汝之生速滅汝之精蓐收震怒

韓曰蓐收天之刑神禮記孟秋之月其神蓐收

將勅雷霆擊汝鄴都

豐 鄴音

麋爛

縱橫侯帝之命乃施于刑羣邪殄夷大道顯明害氣永
革厚人之生豈不神且聖歟祝曰尸蟲逐禍無所伏下
民百祿惟帝之功以受景福尸蟲誅禍無所廬下民其
蘇惟帝之德萬福來符臣拜稽首敢告于玄都

斬曲几文

韓曰觀其文蓋指當時以諂曲獲用者又謂上之人不明棄直而用曲則不才者進其旨微矣

皆貶謫後作與

前篇相先後云

后皇植物

韓曰楚詞九章后皇嘉樹橘休服兮註后后土皇皇天也

所貴乎直聖主

取焉

主一作王

以建家國亘為棟楹

上音棟下音盈

齊為閭闕

上苦本切

下音域

外隅平端中室謹飭

飭一節作飾

度焉以几

孫曰周禮室中度以几几

三尺也○度侍洛切

維量之則君子憑之以輔其德

其一作有

末代淫

巧不師古式斷茲操木

韓曰操屈仲木也

以限肘腋歌形詭狀

曲程詐刀制類奇邪

上音畸下音哀

用絕繩墨勾身陋狹危足

僻側支不得舒脅不遑息余胡斯蓄以亂入極追咎厥

始惟物之殘稟氣失中遭生不完託地境垤韓曰何休曰境角不

生五穀曰不毛垤螳冢也○上口交切下徒結切反時燠寒鬱悶結澀悶一作閉瘡

蹇艱難瘡音隆蹇一作蹇不可以遂遂虧其端離奇詰屈韓曰鄒陽

上書云蟠木根柢輪囷離奇而為萬乘器者以左右先為之容也縮慝嶢峴童曰瓚玩銳上也高

也上音攢下五官切含竭孕蠹韓曰竭木中蠹蟲也胡葛切蠹音妬外邪中乾音干或

因先容以售其蟠解見上售賣也音毒下同蟠音盤病夫甘焉制器以

安彼風毒敗形陰沴遷魄韓曰相傷謂之沴沴間計切禍氣侵骨淫